

نسخه سی ۴۰ پاره در .

ابونه سی : بر ستهك اعتباريله ممالك
عنايه ايجون ۴۰ آلتی آیلغی ۲۵ غروش
ومالك اجنبیه ايجون اون ایکی فرانقدر

محل اداره باب عالی جوارنده ابوالسعود
جاده سنده نجم استقبال مطبعه سی

جریة صوفیه

شیمدیلاک هفته ده بر نشر اولنور .

امور اداره و تحریریه و اعلانات و ساثره
ایچون مدیر مسئوله مراجعت ایدلایدر .

عرفای امتك مقالات متصوفانه لایته
جریده صوفیه نك صحیفه لری آچیتدر .
درج ایدلیان اوراق اتاده ایدلر .

تصوفی ، دینی ، اخلاقی ، سیاسی جریده اسلامیه در .

باقه جاهلر آکا دیرمش حماقت کسومسی....
اهل عرفانک کلاهیدر کلام مولوی !

شیخ سعد الدین سری

دست نوری جناب پیردن رشدی سکا
لطف و احساندر ، غایتدر کلام مولوی
ازمیر مولویخانه سی مجلرندن
ارمنا کلی حسن رشدی

منبع فیض بلاغندر کلام مولوی
کسوه ارباب غیرتدر کلام مولوی
هیئتدن مشکرانه برکیلمز تاج ایکن
معرفتمندان زینتدر کلام مولوی
حضرت منلای روم ایسترسه جذب ایلمر سنی
کیدریر اول تاج عزتدر کلام مولوی
کیده کور بو عالمک ناسوتی لاهوتی
باعث کشف حقیقتدر کلام مولوی
اوپله هریر باشه قونماز اول همای مختشم
پایه نور نجابتدر کلام مولوی
حاملی ایتمز آنک کالای عصره سرفرو
اؤ لؤلای قدرتدر کلام مولوی
ایشته مولانا اکر انموزج ایسترسهک آکا
جایجا دنیایه حیرتدر کلام مولوی
فرق ایدر بو سری ارباب خرد غالب [۱] کجی
خرقه پوشانه سعادتدر کلام مولوی
کرچه وهی هر طریقت تاجی اشرفدر فقط
سائق سوق سلامتدر کلام مولوی
کوتاهییه مولویخانه سند
چزمه جی زاده
وهی

آمنک رنقیزدن :
ساعه سرپوش طرافقدر کلام مولوی
سرده بر تاج سعادتدر کلام مولوی
آسمان پرواز اولور تنوره پوش عشق اولان
آسمانی بر علامتدر کلام مولوی
انحراف ایتمز طریق حقه یا مولادین
استقامتین کنایتدر کلام مولوی
نایدن دیکلو نوای شوقی اهل دل اولان
فیض بخشای هدایتدر کلام مولوی
یادگار حضرت منلای باش اویشتند طوط
زینت اهل کرامتدر کلام مولوی
[۱] حضرت شیخ غالب قدس سره

شمس آفاق رشادتدر کلام مولوی
ناشر نور ولایتدر کلام مولوی
سایه سنده شان عالی کسب ایدر درویشلر
عرش قدسی سعادتدر کلام مولوی
فیضبخشای دماغ و قلب درویشان اولور
منبع عرفان و حکمتدر کلام مولوی
فخرمزد ، تاجمزد ، برگذار پیردر
بوسه کاه اهل حرمتدر کلام مولوی
معان عز و جلال حضرت منلای روم
افسر شاه طریقتدر کلام مولوی
نقطه عین الیقینی کویستر عارفدر
دورین سر وحدتدر کلام مولوی
دقت ایله ! جلوه کاه عشقی کور فوق الرؤوس
قلب عشاق حقیقتدر کلام مولوی
طارم اعلای لاهوتک اولو قندیلیدر
مشرق مهر کرامتدر کلام مولوی
تار و بودی یوگنده دیباچدن قیمتیدر
معنوی بر جاء و ثروتدر کلام مولوی
دوره کیرمش ، لب ایدمش مثنوی اوراقیدر
سرده طومار فضیلتدر کلام مولوی
لوح وجد و شوقه نورانی دواژ رسم ایدر
راس پرکار محبتدر کلام مولوی
باد عشق الله ایله ایلمر نموج دامی
جذبه میداننده رایندر کلام مولوی
ارتقا ایتدی سر مردان حقه طوتدی جای
یاسمین باغ عزتدر کلام مولوی
بر الفدر نسخه کبری باشنده منجلی
مبدأ آیات قدرتدر کلام مولوی
سالک تنور پوشک رفعتن اشعار ایدر
نجم کیسودار دولتدر کلام مولوی
برک و شاهی ایلیور سخن سمعی دلکشا
ساق طوبای تراختدر کلام مولوی
زیرینه کیردم بو سقف عزتک بولدم حضور
عمریه دارالسلامتدر کلام مولوی

سایه کیر سکه پیر طریق اول ای | رشید |
سایه پیرای عنایتدر کلام مولوی
اسبق بروسه والیدی : رشید

حمدلله دستگیرمدر جناب مولوی
بندگانه عین نعمتدر کلام مولوی

مولویلر عشق وشوق الله ایله ایلمر سماع
حب فی الله اشارتدر کلام مولوی
روح مولانادن استمداد ایدن سالکلمه
اوله بر تاج شرافتدر کلام مولوی
عون حقه سکه کیدم ، بنده اولدم حضرت
باشده اقراره دلالتدر کلام مولوی
کیم کیرسه نائل آمال اولور دارینده
رهنمای نیل حاجتدر کلام مولوی

قرهجه صو مال مدیری
حسین عونی

اوله غافل، واقف اول معنای قدسیاته
ناشر نور هدایتدر کلام مولوی
سرمدی بریفه نائلدر اولانلر سکه پوش
باعث فوز وسلامتدر کلام مولوی
سرنکون اول پیش علویت نثارنده آنک
مطالع شمس فضیلتدر کلام مولوی
خامم اولماز مقتدر وصف علوشانه
اول قدر شایان حرمتدر کلام مولوی
دیون عمومیه دن واجد نظمی

انکشاف قاب وراحت آنده در هیچ شبهه یوق
تحفه یکنای محبتدر کلام مولوی
اهل عرفاندر طریقت عاشقی درویشلر
عین معنای حقیقتدر کلام مولوی
مستردر آنده اسرار شؤن کائنات
انجلاکاه سعادتدر کلام مولوی
مطلقا کشف لدن ایلمر کین اول سکینی
منبع معنای حکمتدر کلام مولوی

مسلك اعلای وحدتدر بومسلك بیلمش اول
دافع آلام وظلمتدر کلام مولوی
انتشار ایتمش طورور فوقنده بر نورالازل
محض معنای کرامتدر کلام مولوی
محترمدر سایه بخش فرق صوفی اولمش او
معنوی بر تیغ صولتدر کلام مولوی

خاک باین توتیا ایت نور باش چشمکه
احتفاکاه محبتدر کلام مولوی
چنکل کویندن: افغانی شیخزاده محمد نورالدین
قطعه

ای قاره !
بالتان حربی مناسبتیه
طلالع معکوس حربی بشقه برشی ظن ایله
خالق بزر ایچون تقدیر اولمش قهری وار
لطف حقندن قطع امید ایتیوب فردایه باق
هر شینک چونکه نهایت بر صباح الحیری وار
صومہ تحصیل ناموری م : حفظی

منشور عالیشان صورتی
باب فتوی دائرة مشیخت اسلامیة تحریرات قلمی
عدد ۲۱۳

بوسنه علماسندن فضیلتلو چاوشووی حاجی محمد جمال الدین افندی
بوسنه وهرسک قطعه لرنده کی جماعت اسلامیة نك امور دینیه
ومعاملات شرعیه لرلیله اوقاف ومعارفه متعلق خصوصیات متنوعه نك
محور لایقنده حسن اداره واجراسی حقنده مؤسس اولان نظامنامه
احکامنه توفیقا وكلا وامنانی مات طرفندن منتخب هیئت علمییه
جانبندن، منحل بولنان ریاست علما منصب رفیعنه انتخاب اولندیكزه
وحشمتلو اوستریا و مجارستان ایمپراطوری حضرتلرینك اراده
حشمتانه لرلیله تقرر ایندیکی دولت مشارالیه سفارتنك تقریری
وخارجیه نظارت جلیله سنك تذکره سیله اشعار اولندیغنه واقتدار
واهایتکزه مبنی ذکر اولنسان ریاست علما منصب رفیعی عهده کزه
تفویض اولمشدر. حرر فی الیوم الثامن من صفر الحیر لسنة اثنتین وثلثین
وثائمانه والف کتبه الفقیر الیه تعالی: محمد اسعد، عفی عنه.

مقام مشیختك مهم بر تشبثی

حقایق جلیله اسلامیة نك نشر واعمیمی ضمنتده وسائل لازمه
توسل ایدلمش اولدیغندن دین مبین اسلامك خدمات مخصوصه سنی
ایفا ایله مباهی بولنان اوقاف هایون نظارتنك بوخصوصه کی خدمته ده
اشتراکی لازمه دن اوله رق شو امر خیر ایچون وقوع بوله جق معاونت
نقدیه نك حصول امنیه به بك مهم تأثیری اوله جغندن کیفیتك اهمیت
وعلویتیله متناسب درجه ده معاونت اجراسی خصوصی مقام مشیخت
علیادن نظارت مشارالیه اشعار اولمشدر.

تصحیح

بونسخه مزده کی | فقهایی سلاطین | نام مقاله نك نهایتلرنده
| تهزیر نواقیس | اوله جق ایکن مرتب طرفندن سهواً | نواقص |
دیزلمکله خطای واقع تصحیح اولنور .

مدیر مسئول: حسن کاظم

نجم استقبال مطبعه سی